

INUIT ATAQATIGIIT

INATSISARTUNI



UPA 2014/173

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

Issittoq atominik sakkulianik atuiffiunngitsoq pillugu politikkimik suliniuteqaq-qullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inuit Ataqatigiit Inatsisartuni gruppianni ilaasortat)

Tungavilersuut

Ukiopassuarni Issittoq pissaanilissuit illuatungerisaminnit inissilluernerunissaminnut pissaa-nermillu takutisiffimmissut atortarsimavaat. Ullutsinni Issittoq nunarsuup ilagaa eqqissi-nermik oqaloqatigiinnermillu ilisarnaateqartoq. Issittup alliertortumik sakkutuulersuun- neqarnissaa inuiaat Issittormiut arlaannaasaluunniit piumanngilaat, naallu nakkutillineq upalungaarsimanerlu annertusarneqassasut kikkut tamarmik akuerigaluaaraat taamaattoq amerlanerit aamma isumaqataaffigivaat suliniuteqarnerulerneq tamanna alliertortumik sak- kutuulersuunneqarnivittut imaluunniit aqqiagiinngittoqalernissaa siunertaralugu sakkus- siornivittut isigineqassanngitsoq.

Paarlattuanilli inuit avatangiisillu isumannaallisaavigineqarnerat illersugaanerallu nakkutari- neqarpoq. Ujaasineq annaassiniarnerlu, sumiissusersiornermi isumannaallisaanerup aalisar- sinnaanermullu pisinnaatitaaffiit qulakkeerneqarnissaat aammalu avatangiisinut upalun- gaarsimanissaq maanna suleqatigiissutaapput, suleqatigiissutaajuaannassallutillu.

Atominik sakkulianik sakkussakillisaanerup attanneqartuarnissaa Inuit Ataqatigiit pingaarti- parput. Uagut nalorninngilagut. Isumaqarpugut Issittoq atominik sakkulianik atuiffiussan- ngitsoq. Atominik sakkulianik peqarfiusut eqqannguanni eqqissisimannginnerup ataani Issittumi nunaqartut inuutissallugit pissutissaqanngilaq.

Naak Issittup atominik sakkulianik atuiffiunngitsup Issittumi naalagaaffiit akornanni ima- luunniit nunarsuaq tamakkerlugu tamanit isumaqataaffiusumit anguneqarnissaa unga- sikkunaraluartoq taamaattoq Inuit Ataqatigiit isumaqarpugut tungaviatigut pingaa- ruteqartoq politikkerisaaq pillugu ersarissumik nalunaartarnissaq, aammalu Issittoq atominik sakkulianik atuiffiunngitsoq pillugu anguniakkamik tunussinngisaannarnissaq.

Tamanna pillugu aalajangiiffigisassatut siunnersuut manna saqqummiupparput partiillu Inatsisartuni ilaasortaataqartut sinneri kajumissaarpagut Issittup atominik sakkussiaqar- fiunissaanut Kalaallit Nunaata akerliunera avammut erseqqilluinnartumik peqatigiilluta nalunaarutigissagipput.

Pisortani aningaasaqarnikkut allaffissornikkullu kingunerisassa

Naatsorsuutigineqarpoq Naalakkersuisut pisorta qarfiinut aningaasatigut killiliussaareersut iluanni siunnersuut piviusunngortinneqarsinnaasasooq. Pisorta qarfinni suliassanut allanut peqatigitillugu taamatut periarfissaqassanngipput Inuit Ataqatigiinni naatsorsuutigaarput Naalakkersuisut tamanna pillugu akissuteqaamminni erseqqissumik nalunaaruteqarfigiu- maaraat, tamatuma kingornagut siunnersuutip qanorpiaq aningaasalersorneqarnissaa Inatsisartut isummerfigisariaqassammassuk.

Namminersorlutik inuussutissarsiortunut aningaasaqarnikkut allaffissornikkullu kingunerisassa

Namminersorlutik inuussutissarsiortunut aningaasaqarnikkut allaffissornikkullu kinguneqas-

sannngilaq.

Innuttaasunut aningaasaqarnikkut allaffissornikkullu kingunerisassa
Innuttaasunut aningaasaqarnikkut allaffissornikkullu kinguneqassanngilaq.